

甌

甄

洞

藁

麒麟洞臺卷之十七

武昌吳國倫著

始安張鳴鳳校
新安方尚贊

五言律詩一百一十九首

雨中園居四首

長日閉巖扉無營久息機
雨來滋石蘚風起亂山衣
古柏干霄立閒雲掠水飛
抱書眠正穩何事與心違

其二

一夜滄浪水平吞下雉
湖洪波浮睥睨急雨蕩菰蒲
負金肩初息垂綸興不孤
盤中但鮭菜甘與酒爲徒

其三

隴上雨差足莫愁三逕荒魚乘新漲躍鳥避疾風藏
花落不成錦竹鳴如鼓簧却驚圖畫裏新結輞川莊

其四

宿靄迷山徑懸泉響石池踈荷青歷亂茂樹綠參差
暫阻攜壺客聊親抱甕兒日長從起臥蘋末動涼颼
北園酌茂承

五年三見訪千里一知音末路誰風雅交情自古今
竹間雲作臥池上石爲林多少留君意松醪款自斟
聞羽王解官同胡茂承方仲美王行父過訪留
酌

自得解官信歡然理篋書念當辭故舊亦復重躊躇
賦輟三湘弔歸營五柳居今朝且杯酒時態欲何如
夏夜同丁元甫王行甫胡茂承方仲美湖上泛
月

泛泛平湖月鳬鷗總不猜遶城千樹盡迎艇萬峯來
空際發簫管鏡中行酒杯清光戀佳客深夜此徘徊
李鄭二少叅見訪北園留飲竟日酒間賦二詩
爲有園居癖無營日掩關那知金紫客亦到薜蘿間
旋覓村中酒同看竹外山坐深涼意足石隙瀉潺湲

其二

不憚郊行遠衝炎竝馬來入門先脫帽隨石坐銜杯
竹里幽人社蘭亭異代才酣眠綠陰裏簫鼓莫相催
率洲卽事

幾日清秋色沙頭樹已殘夾谿橫怒石擁棹落驚湍
鴈侶俄相失鷗行轉自安前峯如列戟聊倚暮雲看
晚過排市

絕岸遙相距中流迴自寬鳥歸山市暝楓落水村寒
玩世曾棋局藏身只釣竿孤舟天地外雲石總奇觀
焦灘舟中獨酌

席掛千峯過灘懸二水分蓬間下木葉几上結秋雲

自信漁樵侶堪同鷗鷺羣呼兒將濁酒淺酌送斜曛

西禪方丈留題

密樹隱禪關疎鐘出亂山徑隨龍藏遶泉作虎溪灣
夜伴空王卧朝留半偈還前身都莫問駒隙過人間

陳良孺茂才以詩見訪因贈

之子正英妙遠遊何愛勞涉江心獨苦哀郢曲彌高
叩我來空谷論文進濁醪相將橫羽翼那得久蓬蒿
初春仲美至自郢觴之北園

白雪久無和君今郢上來春盤聊藉石露冕一登臺
展滑繁新蘚杯香泛落梅清歌遶林麓雲物與徘徊

答黃州鄒使君二首

雨聲來單騎，雲林到遠書。
清風在江漢，佳句總璠璣。
佩擬秋蘭結，金分月俸餘。
盈盈一水隔，相望欲何如。

其二

驚聞辭漢署，臥治楚黃州。
郡事山雲見，時情漢水流。
名高舊題柱，興至一登樓。
卻有巖棲子，知君似隱侯。

夜泊散花洲

周瑜破曹兵後
釀酒散花處

一區芳草色，云是散花洲。
無復周郎反，惟應漢水流。
雲生西塞麓，月隱大江舟。
旅宿依漁岸，寒鴉噪未休。

過行甫柯山園四首

買舟三百里江上見柯山古徑雙橋外方塘萬木間
入門花石喜留客水雲間若與王猷共山陰那得還

其二

性癖耽幽勝風雲奈汝何寄情都不淺乘興一相過
宛轉看亭榭陰森坐薜蘿移樽從所適山鳥自爲歌

其三

藁簞開作徑灌木不知年未解亭相錯翻疑地屢遷
烹葵支舊鼎種樹續新編總失千時計端居亦晏然

其四

散步出幽籬羣芳送酒卮隔城嚴漏下近寺暝鐘遲

秉燭雲生榻停歌月滿池不禁酣欲臥敢謂老能詩
雨中渡江酌行甫仲美

一葉看山棹凌晨破浪開煙橫極浦暗雨挾萬峯摧
鷗鷺樓樊口蛟龍撼鄂臺中流不知險與客劇銜杯
望寒谿寺

不見寒谿寺惟聞谿水流入江渾是雪帶雨忽成秋
海國文殊像禪林浪士遊樊山最高處騁望白雲愁
志博問桓公行次寒谿寺
像於海上送之寒谿寺

止熊中丞故居與其伯子夜談

風雨江天暮淒然感舊遊向來投轄處復作據牀留

對酒忽不樂解衾聊自休九原無缺事珍重屬箕裘
舟次蘄春避暑法勝寺顧大參子承按察子良

董司理友仲易州牧子田攜具見訪

梵宇千門遶僧房一鑑幽艇分蓮葉出軒抱水雲流
凝結逃禪會何當載酒遊卻疑陶令醉三笑虎谿頭

過龍眼磯

在蘄州江心

片石亂流中巋然抗佛宮諸天龍樹表萬象蜃樓空
花雨都成雪濤驚不爲風孤僧容膝處應與海門通

羅敬叔見過二首

落落南州士行歌信遠遊相將窮海嶽亦復叩林丘

黃鵠思高舉明珠忌闇投幾年懷一刺而我愧名流

其二

豫章舊遊地諸子解言詩古意紛相命新聲久漸移
得君何大晚顧我若爲私攜手當搖落翻增楚客悲

北園酌楊伯海

新知情不淺小飲興偏長學圃藏吾拙看山藉汝狂
毫端開五嶽句裏激三湘蕭瑟東籬菊還堪日舉觴

送伯海東歸

汝泛東歸棹夷猶雉水濱不堪搖落思又向遠遊人
彩筆應忘老青山只助貧江門千里月相望獨傷神

乘上人過訪蓮華菴索贈

老衲浮江至還如認鉢年
抱經燃綠桂說法吐青蓮
借宿雲林下真空水月前
孤踪渾不定隨處有人天

王行甫再過北園

短屐犯江濤頻過不厭勞
知君重然諾念我在蓬蒿
對菊詩偏美看山飲獨豪
相將乘野興攜手遍蘭皋

行甫同楊伯海陳良儒見過大雅堂賞菊

草堂惟有菊萬朵不勝寒
只好徵君醉寧供賦客餐
暗香浮入酒野色豔垂冠
奄忽秋期逝當歌且盡歡

富口江岸與行甫及諸親舊席地翫月痛飲成

詩

落日停孤棹親朋載酒過沙頭披野服浦口發漁歌
晚霽霜華薄天空月色多隔江山不斷飛影障洪波
初冬偕王行甫黃子登莊則大涉江遊陽城洞

四首

鼓舵涉江去江干日正晴會心多石色浣耳是泉聲
竹外水煙靜雲中雞犬鳴飄然躡飛蹬山鬼莫相驚
其二

一徑穿田入雙湖夾隴開山迴儼城郭雲起卽樓臺
好結漁樵侶無妨鹿豕猜洞門欹片石聊復坐銜杯

其三

靈竅幾時開奇遊我輩先乍窺疑海市深入又壺天
丹府雲霞異青城日月偏已於人境絕不必更逢仙

其四

雪溜穿層峽霜藤垂古崖雲從衣袂出石似水宮排
隱約藏金檢熹微見玉階龍湫深不極時自吐陰靈
舟還富口卽事贈子登則大

一水通靈境招遊興不違浪驅雲氣盡帆背夕陽飛
近磧喧漁唱臨流振客衣詩成留二妙何異舞雩歸

題三吳首善卷

三吳首善者吳江士大夫頌其令徐子作也
徐子予門人登第領邑久失相聞乃從斯卷
聞其以善政冠三吳喜可知已俞生遠來爲
索贈言因賦一詩寄意

爲憶吳江令曾從南郡遊行能今異等經術故名流
試聽弦歌發寧誇水政優東南表三善應待史臣收
武昌黃茂才以仁過訪索題其書室

負郭齋新闢穿雲徑始通江聲迴鄂渚竹色隱吳宮
問業吾何有論文汝自工今看下帷處還與董生同
郭仰甫自武昌再過以詩見質因送之西歸

爲愛雲林僻招尋數酒杯不辭江上險又自雪中來
詩法從誰授幽懷藉汝開飄然去何適卧傍楚蘭臺
雪夜莊則勸張子元過飲

臘盡寒初厲樽開客正過雪華山郡清夜色草堂多
狎語銷岑寂深杯慰輾軻綈袍猶自薄將謂故人何
斬春江上謁禹廟

山遶鴻沙曲城憑鳳嶺孤古祠街絕磴飛浪灑平蕪
萬里來江漢千門過舳艫可知神禹蹟浩蕩古來無
再過行甫園四首

野色春初換山行客又來僕夫諳舊徑童子進新醅

一榻仍依竹重林只放梅深杯起自勸不爲管弦催

其二

率爾過吾子依然面此君塢藏經歲雪樓瞰隔江雲
木石都含意親朋盡好文交歡殊不厭酌酒臥斜曛

其三

藂樹相虧蔽山亭自鬱盤鳥忻新雨霽花怯早春寒
積蘚支芒躋飛藤挂籜冠總無浮世景何減昔時看

其四

忽訝林亭改出來木葉稀縱吹憑水榭散步入煙扉
令我經時戀宜君與世違細看蘿薜外何事不成非

舟中酌丘謙之

野色上微服春風吹野航
滄江一握手明月劇傳觴
舊事浮雲盡新詩末路強
憐予已衰白歌發尚能狂

漢口卽事

江吞千折水堤遶萬家村
蔽岸停商舶爭途入市門
北風湍溜急斜日井煙昏
十五當壚女新裁犢鼻褌

漢口進舟遇六十初度寄內

江行曾幾日旅泊又流年
老態欣無恙浮蹤信所便
旋呼生日酒重著遠遊篇
寄語閨中婦風波倘見憐

由漢口入郢雜詠十首

向來聞漢廣垂老未經行一葦新乘興羣山遠寄情
水痕高樹積沙氣曲汀橫緩急從風候無勞問水程
其二

幾日孤帆影邇邇二別間長年驚自笑客子去如還
水脉纏三楚江門象九關前津開瀕景努力更追攀
其三

漢水幾千曲飛流自隴西到來雲夢闊翻覺楚天低
積潦平江縣垂楊匝古堤踏春遊女出彷彿浣紗溪
其四

雪浪高湏口津途日以遙牽江無錦纜擊汰有蘭橈

岸岸春培柳家家夜緯蕭不須妨物色吾已混漁樵
其五

反照江村暮漁人別浦還負舟藏屋裏收網掛林間
有客旋沽酒無營自掩關何曾識城郭只共野鷗閒
其六

村女無膏沐劬勩攬褐衣侵晨提甕出薄暮刺船歸
網得江魚美持襖隴麥肥時平生計足夫子願無違
其七

犯險臨南紀安流涉內方幾村魚作市萬戶水爲鄉
夜渡偏行旅春耕半女郎漢濱人已遠懷古意偏長

其八

行遊良自適況復美人俱日傍水雲醉那知江路紆
堤青舒苑柳野綠散蘼蕪無望嶽仍千里長吟且共娛
其九

散步江干好胡牀坐亦舒憐人最春色適意總吾廬
薜荔全遮屋鷓鴣巧趁魚芳洲美蘭杜采采動盈裾
其十

前山雨忽霽春色竟陵多古樹蒙丹壑平沙上白波
却醒神女夢來聽郢人歌風物應留賞飛帆莫漫過

楊仁甫招宴文選樓

風流蕭太子結客此論文重鎮仍南土高齋空白雲
坐中三峴出天際一江分佳會不深飲將無負使君
夜從侯欽之憲使過飲唐相張柬之園

登高有餘興扶醉入平林露柏移燈緩煙蘿布席深
烏棲唐相宅石泐漢江潯勿復嗟興廢須臾是古今

南巖宮四首

回看金碧色隱約斷巖中樹杪飛雙闕雲間挂六宮
至人棲廣漠大道在崆峒玉檢先朝閱祥光自鬱
蔥

其二

循崖俱斗折度隴忽雲峒石捧元君殿霞封太乙壇
萬杉蒼靄合千澗碧流寒多少仙人迹扶筇面面看

其三

靈竅五丁鑿仙家六箸傳言尋度世蹟尚紀入山年
藥就軒皇鼎池分夏后泉層崖一借榻穩傍太微眠

其四

薄暮山仍雪凌晨景忽空凍雲迷虎澗積蕊覆龍宮
景物行俱幻玄真悟總同何當此冲舉萬里御天風
雨中過陳繼懷園亭留題

築圃纔盈畝分畦自一區雨增苔石媚煙裊竹垣迂

拂檻鳴青玉披蓁散綠珠移樽覓幽賞豈復畏沾濡
寄題程汝正丹山別業

見道新營圃蕭疎一水村岑陰移白嶽瓜種乞青門
掃石雲生榻穿林雪滿樽閒居足幽意何減在崑崙
顧子承先生枉過園居卽事四首

十年三訪戴今始不廻舟
先生嘗再入下雒湖張湧
竝以風逆反棹故云
谿流穩春深野樹稠暝煙侵石戶纖月起山樓靜聽
玄家語真從世外求

其二

江鄉推大老今古臥龍名屢謝玄纁聘偏深綠綺情

看山聊木榻佐酒只尊羹向夕聞黃鳥慙予亦友生

其三

豈意幽人巷仍停長者車高風存古昔雅道屬樵漁
瀑掛山梁迴煙縈水檻虛從君操几杖何地不蘧蘧

其四

偶出寒闌杜因之造薛蘿萬山街雨過百里聚星多
霞外赤松侶酒邊青桂歌風泉落幽磴不減奏雲和
夏日黃山人孔昭過訪

長日惟高枕那知叔度來綠雲生野服脩竹引深杯
却訝年俱杖山人與予俱六十猶慚賦異才清秋良可待三

逕且徘徊

答熊長公見懷

江上傳佳句
山中暑乍收
萬家方閱旱
一字迴迎秋
短髮勞相憶
明珠愧未酬
此時鱸正美
何得奉清遊

送張禹卿

君行何落落
秋色滿蒹葭
逆旅看浮世
詞才屬故家
且乘涼夜月
一醉石林花
明發孤帆影
江樓望漸賒

李劉二山人枉過園居

自愛巖居僻
秋深二客來
涉江詞竝美
過剡興難迴
且狎青山醉
都忘白髮催
爲憐佳會少
乘月更登臺

贈李生

盱江曾立馬不及叩斯人何意幽棲處飄然遠見親
月中花似雪杯裏髮如銀未復傷近暮遨遊興正新
聞故人沈純甫復官志喜二首

微官不解事一語欲回天死訣投荒地生餘謁帝
年仙班誰舊侶優詔只名賢直道無今古賈生還
席前

其二

去國關何事還朝此一時天心存骨鯁吾道起鴟夷
瘴癘身差健冠裳夢亦疑向來悔福疏曾恨徙薪遲

宿瞿伯明新居留贈二首

萬井羅江市君家却向山徑穿池樹僻堂抱野雲間
與客看垂釣邀僧學閉關偶乘幽興入高枕聽潺湲
其二

屋角高江沸庭心大嶺橫漁樵安素業杯酒話閒情
委巷車塵絕寒空雪意生不妨經再宿與結布衣盟
答熊惟遠問詩

學古虛稱老譚詩却未工汝今懷壯志猶可激頽風
郢客歌誰和湘靈曲易終未須憂失鵠巧力在調弓
詹鵬翼過訪

叩我輕千里兼之雨雪深卽從攜手日先識好文心
握筆工秦篆聞歌變楚音歸途寒未解且復臥雲林
酒間再贈鵬翼

婚嫁已云畢遠遊從所如名山窺鳥跡應手勒龜書
擲杖重巖下開樽霽雪餘坐中談白嶽霞彩鬱吾廬
泊湓城

帆落潯陽渚山川是舊遊峯雲仍九疊江色自孤舟
湍急漁人狎津重賈客愁銜杯忽自笑不及浪中鷗
過馬當

馬當天下險茲涉竟安流不是無風浪居然狎野鷗

江光三楚合雲氣九華浮所至多奇覽何辭汗漫遊
泊東流彭澤門人何士輿追至舟中夜酌道故
而贈之以詩

何郎別已久江上忽追隨末路才空太衰年會亦奇
繫舟談往事將酒慰離思醉枕波間月應忘抱玉悲
何生言當從貢籍赴京受文學官復有此贈

南郡從遊者論文汝最工過時名轉薄垂老籍猶通
釋褐憑徑術擔囊赴澤宮倘分都講席吾道未應窮
荻港舟夜與仲美醉月

夾水千家市晴沙護赭圻賈櫓依露渚漁火出煙扉

片月迎潮上驚鳥遶樹飛深杯夜飲旦猶自戀清輝
過采石與仲美小飲

何處然犀浦飄飄采石東春蘋依渚亂午浪觸山空
指點虛陳迹登臨自古風猶憐宮錦泛不與布衣同
江行望行甫不至

東遊興已發西望不勝情問酒誰爲侶看山夙有盟
徘徊湓浦岸忽漫石頭城何事王猷棹猶然滯水程
喜行甫追至金陵

待汝新林浦江花忍自看俄然飛席至便作倒樽歡
賦草充行笥煙波狎釣竿方舟遲明發隨地采芳蘭

白門逢故人楊翼少之孫忠裕有感貽以三詩
有序

翼少先生仕

世宗朝爲左給事與余同舍余每嚴事之蓋先生負文武才而忠鯁峭直不能嬖阿於時屬分宜在政府盜柄作威福而羣小相附各縱其回先生竟爲所中以言死天下莫不哀之先是其子應祈伏闕救父不能通扼吭死而忠裕生才一月楊氏其微乎暨

穆廟改元追錄先生遺忠敕有司爲起冢而贈

之官賜之祭且錄廕其後則忠裕已能拜
命矣今先生下世垂三十年余偶遇忠裕白
下愴然思舊情見乎辭

先朝楊給事死諫亦逢千赤日心爭烈黃沙骨已寒
詔書俄起家冥錄漫彈冠孤憤留青史乾坤萬古看

右悼翼少

其二

伏闕天逾遠捐軀策已窮總緣家不造翻得世稱忠
事與緹縈類冤非石奮同一時雙櫬返煙雨暗江東

右悼應祈

其三

倉皇家難後誰爲託遺孤合是忠魂在猶沾帝力
扶詩能揚祖德名已拔泥途白下驚相見翩翩一鳳
雛

右慰忠裕

眞州訪吳孝甫不值云之楚遊數月矣

爲有吳山約停橈一問津如何東道主翻作遠遊人
草綠垂晡日花繁欲暮春江干欲沽酒興發向誰新
吳門遇王元禎與之飲酒

汝客吳門久相逢問故鄉父風殊不忝遊興亦何長
苑樹容連棹江花藉舉觴似能憐老病何敢厭清狂

周達之文學見訪舟中夜談

有美東南士浮槎遠見過五湖傾蓋晚一日飲醇多
古色蒼龍劍新聲白苧歌交歡夜垂午攜手視明河
閱張左虞將軍詩賦贈二首

爲問張都護傳詩自阿誰斐然諸體合先受二王知
元美兄弟並有贊左虞詩日藉金戈挽場爭鐵騎相逢司馬里
但恨託交遲

其二

吳中故多士將種亦論文自解通侯印躬操匠氏斤
雅歌臨大敵高視薄前軍豈必燕然石區區勒漢勳

同敬美周伯郊行將醉司馬公墓

偶茲有興出東原
春事饒野田
低近海溝水
曲通潮
新柳護沙岸
繁花隱石橋
西州猶未過
悽惻旅魂銷

醉司馬王先生墓四首

自失吾夫子
含心賦大招
生芻寧比玉
宰木已干霄
淚迸三江落
魂經萬里銷
林端出華表
歸鶴影蕭蕭

其二

自有驅馳役
常懷剪拂恩
令儀長夜隔
師道百年尊
悔失從廬墓
慚當負及門
空山一灑淚
悽惻薦芳荪

其三

負土嗟無及登山倍黯然松陰猶故第海色自新阡
門閤三吳冠朝紳累葉傳主恩終不薄高冢象祁
連

其四

遣祀中牢出行營幕府同不須陳往事已自表遺忠
海國悲埋玉天山想掛弓衰年門下士何處叩蒼穹
盧少府懋貞暨其子中含嘉言同幼子載酒追
至吳江垂虹亭見邀爲長夜之飲賦此酬之
美人殊好事載酒遠相追月擁孤城過虹憑萬石垂
雅歌留郢客妙舞出吳兒老態婆娑甚懽心不自持

王承父見訪舟中話舊

與君別何許相見已龍鍾
漸減詩文癖差爲禮法容
酒杯銷萬態漁艇寄孤蹤
抵掌陳今昔將無夢裏逢
飲姚伯道白雪齋

取意管清室留賓聲所歡
圖書開靜几竹石蔭疎闌
酒釀茗谿綠歌調郢雪寒
新知有如此那得不盤桓
登姚叔度玄覽閣留題

美人籠習靜築閣小堂西
案貯窪樽石軒憑看畫谿
春山雲氣合芳樹井煙齊
客至耽清賞都忘白日低
周叔宗與其弟季華自吳江追送至吳門留別

二首

江東舊家子雙玉挺清標問字交非淺移樽送獨遙
綢繆將解佩信宿且停橈茂苑看花落酣歌興轉饒
其二

少壯詞華美風流酒態真三江一以晤累日見情親
白舫寨行慢楓橋指去津津前望顏色已是夢中人
題周伯從書室

汝自青雲器齋如白玉堂圖書踈牖下花石小山傍
世德姬公裔高風季子鄉異時看策足不數漢賢良

甘露寺

寺有梁武帝書天下第一江山六大大字今不知所在

甘露前朝寺層峯表上方古題曾御墨深樹只經堂
城郭千家小江流匹練長僧歸煙雨外鐵塔坐焚香

登摩雲亭

亭在寺山絕頂臨大江

名山最高處萬石捧孤亭日迴江光白天空海氣青
振衣超十界趺坐擁羣靈便好供垂釣還愁動客星

別元禎

怪爾交遊廣由來著述工悲歌曾郢上佳麗且江東
貰酒歡相藉歸舟悵未同蘭蘅滿湘澤慎勿委秋風

荻港舟中別羅伯符二首

任俠新都士遊談信所之幾年成汗漫千里復追隨

輟棹時沽酒籌鐙夜賦詩魯明江上別煙雨助淒其

其二

汗漫東遊客孤舟藉汝多不緣逢酒伴誰爲答勞歌
雨暗繁昌柳鷗凌荻港波一樽江色暝分手奈愁何
冬日胡載道見過酌中有感成詩

三年不我顧一顧轉驚心未厭交遊薄其如老病侵
濁醪支永夜寒月助微吟閱世無常態藏身幸茂林
過東河訪劉伯文

古構依雲麓喬林俯石谿偶來穿舊逕深入叩幽棲
細酌交情見微酣老態齊遠峯青入坐不必更攀躋

酒間贈黃思素思貞二孝廉

楚國明經士誰應似二難
價爭崑璧重名竝汝龍看
白屋克圖史青雲刷羽翰
論文且杯酒花底一交歡
送吳孝甫遊武夷二首

把酒歡重接當歌惜又分
言隨彭蠡鴈去謁武夷君
九曲潛通海諸峯盡入雲
昔遊曾汗漫猶自想清氛
其二

好遊殊未已合自有仙風
氣挾名山壯詩憑迎旅工
幔亭張廣樂石筍刺穹窿
倘遇餐霞侶應窺萬象空
歲暮答羽王見寄

風雪蒼梧道淒清鴈侶衰歲窮千里望天遠一書來
感別還詩句寬愁只酒杯風流看漸盡何敢漫論才

甌甌洞藁卷之十七

甌甌洞藁卷之十八

武昌吳國倫著

始安張鳴鶴校
新安方尚贊校

五言排律五十四首

燕臺秋思四首

戍角晚來頻客愁秋更新食魚思故國捫虱向時人
更有莊生傲家徒原憲貧邊烽常墮淚岐路敢謀身
計失虛焚草時危已積薪飯牛歌白石驅馬走黃塵
碌碌終何事乾坤自隱淪

其一

帝城寒色動仙掌露華甘白馬盟猶在黃龍戰未酣

材官守薊北使者下江南賈傳空長息嵇生故不堪
側身聊自託揮塵向誰談俠氣青萍劍愁心碧玉簪
文章如不朽汨沒復何慙

其三

樗散已成習逢迎真厭勞泥途甘曳尾塵世且持螯
白眼從相視玄心信所遭風塵淹墨綬歲月負鉞刀
秋思隣砧急鄉書海鴈高百年期鮑子孤憤謝山濤
坐感羣芳歇悠然憶楚臯

其四

燕臺臨易水登望欲銷魂九陌秋陰澹諸陵日氣昏

風來萬葉下虜過幾家存實塞空民力和戎負主
恩憂真同杞國淚不待雍門搖落誰堪賦羈棲未可
論安危有將相俯仰任乾坤

送方兆行調寧津令

楚國多才士誰如方叔賢策名三仕後獻賦十年前
花憶河陽頌堂虛單父弦人家滄海上公署太行邊
民力蜚芻盡軍聲羽檄偏寸心寒就日雙淚盡憂天
曼倩官爲隱王喬令是仙贈君惟一劍古色重淒然

寄儀隴劉明府景仁

自領巴西邑風煙萬里賒巫峯窺露冕錦水度星槎

山吐琴臺月城標劒閣霞一官仍浪迹多病且天涯
關塞魚書斷風霜鳥道斜客愁深漢壘春思慘胡笳
感別經時序懷歸悵物華知君能戀闕北望起長嗟

香山寺

不盡登臨興其如搖落何香臺凌縹緲紺殿鬱嵯峨
古壁璇題饒先朝翠輦過雲深龍藏杳地迴鷲峯羅
塔勢飛金掌林聲散玉珂山腰垂列磴樹杪出盤渦
北極開天府西湖引御河簷巢窺法島堂狎聽經鵝
寶座珊瑚蓋祇園雨露柯披煙探舍利拂石誦維摩
日落仍聞梵風高獨放歌明朝入城郭何處了諸魔

燕京篇同于鱗子與賦

擬賦燕京勝三都未足誇霸圖雄鴈塞古戍扼龍沙
北谷回陽今西山擁帝家天平恒嶽迴地險薊門
賒秦楚慚雞口侯王屬犬牙重城開御氣雙闕倚明
霞芳樹華陽館高臺易水涯談天曾碣石望海卽瑯
琊帶甲環三輔梯航走八遐風雲森劍佩雨露足桑
麻紫陌新豐酒紅樓宛落花輕塵飛白練旭日麗青
緇雪色并兒劍星杓漢使槎羽林矜節俠戚里競紛
奢接軫趨長樂揚鞭過狹斜悲歌逢擊筑斥堠警鳴
笳七校傳清蹕諸陵望翠華豎儒何寂寞抱影獨長

嗟

病起卽事簡于鱗子與

旅病經寒食春深花未開
抱書愁睥睨扶杖怯莓苔
九陌陰霾合三關羽檄催
何人焚諫草當宁任調梅
民力罷多難軍聲重七哀
聖躬勞社稷方士走蓬萊
憤激思嘗膽羈棲厭曝曬
世情驚一謬斯道屬羣猜
雙壁虞卿至千金郭隗來
眼中猶二子海內已多才
握手憐同調藏身恥自媒
畏冷那可避萬事有銜杯

流河驛晚眺

日落江光隱沙寒雨氣侵長天送遠目去鳥促歸心
楓葉早霜下芙蓉秋水深賈帆飛樹杪漁網集亭陰
鷗狎中流棹鷗棲隔浦林涼颿起高樹一爲爽煩襟
臨清別莫戶曹子明

多病似相如扁舟歸故廬獄雲生縹緲海色播空虛
下榻憐知己開樽慰索居儒臣憂國計王者念軍
儲涕淚燈前酒烽煙別後書相逢非汗漫執手更躊
躇

淮南舟中逢趙元朴侍御免官還會稽時以勅嚴相被

短楫停淮海孤樽下夕陰物情殊黯澹吾道豈浮沈
客避埋輪使天知請劍心安危袞職重生死帝恩
深有罪非懷璧無家敢問金側身妨世路抱影入雲
林前席漢臣淚他鄉越客吟恐君名姓變難向剡溪
尋

贈別南海梁思伯有序

思伯故相文康公之孫推恩當授中書舍人
不拜往從其外兄黎惟敬氏遊蓋因惟敬氏
識予也已予移疾南還則邀至舟中凡數十
日抵淮南且別因賦此贈之

越客誰能識儒衣
混酒徒青雲辭結綬
滄海下乘桴
歲月三都賦
煙霞五嶽圖
俠陵齊士辨
狂笑宋人愚
彩筆名方著
朱弦調轉孤
子行將嶺海
吾意亦尊鱸
暮而飛丹葉
秋風起綠蕪
何堪失侶鴈
江上劇哀呼
次維揚寄懷宗子相

相將二載別何事
一書無臥病
山雲僻懷人
海月孤
世情多按劔
斯道有乘桴
兵火懸雙淚
煙霞信五湖
轉憂風雅息
因感歲華徂
咫尺心期阻
何言在畏途
郡城樓席上別于鱗得華字

列郡今三輔
專城屬大家
登樓興不淺
感別思偏賒

烽燧盧龍通關河鉅鹿遮荒隄
蒸赤日大陸卷黃沙
拂檻流雲濕當樽落照斜
沈郎歌八詠不獨憶京華
送張職方子畏募兵山東

吳越蠻兵集經旬未解圍
三江流戰血六月議戎機
募士先東郡承恩下
帝閑輜車乘夜發羽檄應星
飛射策魯生至請纓齊客歸
風雲起屠販草澤藉光輝
報主情爭奮封侯願不違
軍容開日觀使節表天威
海國思傳箭君王詠采薇
南征破羣盜早晚慰宵衣

病中答方戶曹兆行

獻賦少年時蹉跎領度支世情雙眼過國士幾人知
手自題黃絹心先泣素絲微風動塵尾涼雨入烏皮
伏枕還誰問開緘獨爾私兵戈殊不定吾道欲何之

周先生八十受封于京其子濟叔比部索贈言
詔起吳門隱名題漢署通九苞岐鳳瑞千里渥駟雄
侍從星辰切瞻依雨露同素封移楠柚華髮向鸛鴻
酒熟新豐市花明長樂宮恩侔歸尚父榮與載申公
籍已中朝貴人猶太古風向來鸛冠子老去鹿皮翁
暫謝漁樵侶非貪羽翼功異時瞻紫氣或在山關東

病中感懷

寒勒薊門早秋生楚客悲邊聲紛羽檄朔色動牙旗
輸輓疲黔首縱橫走赤眉屢勸宵肝慮豈乏帝
下師國步應無改天心乍可疑常從視草暇實恐臥
薪遲萬類終塵上諸公自鼎彝且謀燕市醉難定鹿
門期

冬日述懷聞元美病

假蹇逢青眼參差禿素毫乾坤俱失馬歲月但持螯
漸改潘生鬢仍寒范叔袍依人羣態見閱世五兵勞
北戍猶千壘南征忽萬艘海雲連斥堠邊管散旌旄
楚璧甘人棄吳鉤祇自韜銷魂燕市筑入夢武溪桃

奈爾常消渴令予轉鬱陶閉門搜藥裏扶杖憶蘭皋
亂後偏哀郢愁深更反騷寸心歸鮑叔尺牘謝山濤
生死交期遠風霜病骨高斯文未應喪天豈厭吾曹

歲暮寄二仲兄

雨雪正霏霏殊方人未歸別魂南浦斷旅夢北山違
寒至思同被愁深擬拂衣兵聲天下滿客信里中稀
朝野身難定妻孥計總非君應稱小隱予已媿知幾
濯足滄浪水垂綸黃鵠磯囊空殊不厭家在好相依
寥落謝庭樹淹留漢省薇何當理舟楫湖上醉斜暉

酬張子畏夜過論文因示元美

河嶽挺斯人時名鬱縉紳俠傾齊辯士狂眇漢詞臣
興發衝寒過情偏對酒親旅懷堪日月吾道且風塵
雅鄭元殊調蕭蘭易失真知音仍浩蕩含意獨沈淪
右足還應刎東眉敢自顰誰當起長夜客有唱陽春
埋照憎雙眼逃名畏此身可憐千古事耿耿竟誰陳

獨坐

獨坐澄心迹偏驚萬事新朔風寒抱影斜日黯傷神
海宇無寧歲朝廷有重臣自慚收駿骨猶得近龍
鱗國計仍緣木人才更積薪匣琴山水絕斗酒歲
時親夢寐衰吾道兵戈贅此身九夷應不陋四壁敢

言貧冉冉西山暮遲遲北谷春
冷然動遐思孤劍倚青旻

贈鄭若庸還鄴

鄴下諸詞客誰如鄭子真
聲名雙白壁時序一綸巾
酒縱生平傲詩增老去貧
蒲輪空借客彩筆更干人
縱有投珠路寧移蹈海身
東關歌愈疾前席意難陳
揮手燕山暮迴車大陸春
相逢竟何日天壤信沈淪

哭梁公實比部四首

乍聞南海信不淺北邙悲
詩態看如昨浮生杳未期
縱橫心已折服食事堪疑
別爾成今古令予泣路岐

識知同賈傳死合傍要離朋舊名俱薄文章數亦奇
中宵沈象緯前路失旌麾且拭雍門淚重投汨水辭

其二

已矣梁公實吾徒益憾軻斯文元不喪天意欲如何
七子中原散千秋長夜過未應投魍魎或恐賦兵戈
海上遺金甕雲邊罷玉珂把詩仍氣色會向已山河
豈惜生芻遠應知宿草多漢關猶似昔無復伯鸞歌

其三

憶爾爲郎日詞林意氣親非關疲執戟祇自厭非紳
獨步心難盡窮愁病遂真彩毫神物妬白首世途新

去矣歌衰鳳居然感獲麟珠還疑合浦劍失慘延津
問訊書空徃追歡迹已陳風煙滿天地何處哭斯人

其四

得書曾幾日懷抱未能開尚擬趨秋省那知掩夜臺
詩名身後定符采病中摧丘壑難容汝乾坤豈愛才
五羊春慘澹雙鶴夜徘徊流恨秦春歇遺文漢使來
朋情生死見客夢古今迴莫向山陽路恐聞鄰笛哀

送姜太史節之使 楚王

天子分桐葉詞臣下柏梁共憐星是使況乃玉爲郎
江漢環宗國風雲護 帝鄉居人思過浦太史復浮

湘地險東南勝藩盟帶礪長晴山開絳節高浪出牙
墻楊柳停旌艷椒蘭設醴芳樓臺招鶴馭環珮憶鵷
行六傳中原路雙鋒北斗傍緘書如有意歸鴈自衡
陽

與子相夜酌遲元美不至

春事忽云暮浮生宜醉中鳴珂燕市清行劔薊門雄
策足吾仍蹇揮毫爾漸工何才堪市駿斯道僅冥鴻
樹擁飛觴月天迴岸幘風登樓有奇思未與仲宣同
送萬兵憲彥和赴嶺南

漢署爲郎者論才汝更偏未須題柱後已識著鞭先

日月車塵過乾坤殺氣纏上方迴繡斧南海下樓船
地遠上程促時危使節重塞旗五嶺道開府百蠻天
兵革東馳解文章徙鯨傳無令尉佗輩只道陸生賢
送陳比部恤刑閩中

帝下金雞詔誰其博望才星辰雙闕動瘴癘七關開
仙使鸛鳩署離筵鸚鵡杯春花深擁傳海色壯登臺
紫劍獄中泣赭衣原上哀但聞湯網祝何異出車來
題況吉夫藥湖別業

何處招仙侶高齋章水濱向來洗藥地曾繫握蘭人
吏隱名非拙神遊事儼真湖雲青浩渺洞石紫嶙峋

未問藏鴻寶應堪醉角巾
瀑飛千嶂雪天入九江春
馭鶴從吾適猶龍卽此身
還丹爲日月守黑任風塵
誰爲道湘佩卜將老渭綸
君無厭朝謁各自有沈淪

題戴子終慕堂

自失趨庭路殊傷陟岵情
平原秋草色殘壘夜烏聲
實恐川陵易寧知燧殺更
歲華愁併促風木恨俱鳴
紫綬哀猿臥玄臺弔鶴行
衣冠虔伏臘祠宇肅幽明
雙涕懸終老千秋殉此生
向來虞殞曲常使楚魂驚

夜泊東郡聞揚州寇急同惟敬怡然有賦

明月聊城泊浮雲魯甸驅
歸心無日夜客計有江湖

何處來兵檄令予失路途歲頻驚萬象天或黨羣孤
烽燧深連楚樓船久困吳艱難思保障容易蹶師徒
夢屢熊羆卜名虛駿馬圖積陰寒大澤新鬼哭江都
城郭已漂杵風濤尚接艫漸看增赤幟那得貢明珠
朝野今多事乾坤此一區鯨氛瓜步掩龍氣秣陵孤
無賴窺天塹諸公翊廟謨未聞乘破竹實恐斷飛錫
行旅吞聲問山川奮臂呼亂離悲去國汨沒恥爲儒
敢謂滄桑變真愁玉石俱長安珥貂者只笑杞人愚

舟中自述留別惟敬子與二十六韻

何意黃金聘翻成白壁疑辨應窮客難夢已卜吾衰

赤管風雲妬紅顏而雪欺死生懸諫草飲啄過憂葵
日月憑孤劒江湖重一麾身從時態側官藉主恩
移道路千秋覓行藏二妙知未愁同病少頗怪獨醒
遲擊筑燕京散方舟衛水隨相看成羽翼兼得避肝
膽才豈應劉忝名非李郭私黃河大地坼秦嶽遠天
垂棹屢停沽酒杯深把賦詩遂能驅萬象不獨解羣
願禮法何曾設作狂任所之人間失意事我輩壯遊
時倉卒三吳寇縱橫六月師但聞盟白馬那敢咏蒼
狸舉火山爭烈奔濤血竝吹世情增扼腕國步在燃
眉竊有浮湘興重題哀郢詞星辰猶北極松菊且東

籬嶺外歸仍遠江南去漸悲艱難持節使浩蕩及瓜
期後會誰還健浮生各未涯中原烽燧色處瘼礙相
思

題岳戶曹署中竹軒同畢廷鳴憲副徐子與郎
中分韻

何處堪題竹招攜有故人倚雲分鳳翅含雨坼龍鱗
翠灑亭軒滿青翻石壁勻尊疑開少室客似坐湘濱
阮氏名空著王猷興頗真無妨在城郭差可避風塵
奉酬 樂安王

帝子非無客還能問逐臣緘書來氣象東帛走星辰

折節如今日憐才近古人風塵交未定海嶽意先親
偃蹇遊梁賦支離入楚身圖南知技拙虛左負恩新
歲月泥途尾乾坤涸轍鱗名廿七子後術恥八公倫
玉倚寧相厄珠投豈見嗔嬾偏愁禮法病益厭簪紳
散髮西山麓放歌章水濱敢將搖落思尺素爲君陳

明府二叔七十

自昔陽春曲歌來和者難孝廉居上第經術起儒冠
宛馬淹馳驟冥鵬塌羽翰家貧仍謁帝道在亦之
官雙鳥雲霄下孤琴河嶽彈棠陰俱頌召花縣未稱
潘傲骨逢迎嬾雄心道路寒折腰歸計決搔首吏情

拚藍舉千山擁茅堂萬樹攢街杯倒河漢高枕落江
湍豈避周家粟應寒楚澤蘭馮雲青玉案駐日紫金
丹近代無陶令吾家有謝安向來猶子意不減過庭
看逐宦天猶隔思君歲欲闌遙應壽觴舉冉冉赤霞
蟠

寄魏順甫比部

一自同心別相憐異地勞青山成獨往綠綺爲誰操
久不傳書札能無改鬢毛窮來詣物理病起視波濤
世路今逾畏時名向已逃蘭蓀遷客佩雨雪故人袍
斗氣懸孤劍江聲落釣舫思君欲墮淚況復擬離騷

登嶧山

蠡澤茫無際，嶧山自一區。遊仙何宇宙，策足亦江湖。
截石危支楚，奔濤遠蹴吳。居然生雪嶺，忽已對蓬壺。
下瞰九江合，中流萬象扶。鼇蟠疑不定，鷺立迥堪呼。
浦極愁鐘磬，巖欽畏舳舻。客程瞻浩蕩，僧迥躡虛無。
月暗瀟湘瑟，波搖魍魎珠。便應吾脫屣，未復歎乘桴。
楊得之僉憲六十

南極星何爛，東山臥正高。社叢淮海桂，溪實武陵桃。
歲月新扶杖，雲霄舊賜袍。竹間珠履集，花際彩衣勞。
壯氣凌長劒，孤懷寄濁醪。顏非丹藥駐，名豈赤松逃。

玄草應誰授，倚蘭台自操。幾時招鶴馭，舒嘯楚江臯。

臨淮道中望塗山二十四韻

域紀塗山氏，禪崇夏后王。精英蟠潁尾，襟帶引濠梁。
扼險吞吳會，提封入要荒。九州馳玉帛，四隩實金湯。
觀洛思神蹟，浮淮望帝鄉。千秋懸王氣，昭代領乾綱。
河應敷文瑞，星符革命祥。地靈鍾列祖，天意在高皇。
聲跡岐鄴並，恢圖沛泗光。風雲行劍佩，日月擁旂常。
賜邑存湯沐，營宮陋未央。洗兵投武庫，辟土啓文昌。
佐命先伊呂，貽謀遠漢唐。羣靈歸聖作，醜虜屬天亡。
臺擬歌風勝，花經駐輦香。至今瞻故闕，猶似

集明堂典禮尊親合乾坤卜曆長祠官羅象緯羽校
肅牙璋駿業深仁植鴻名人孝彰鳳城曾負展麟趾
代垂裳禹貢無先後軒符更表章二京開壯麗
廟儼趨蹌嗣服傳無艾中興烈正芳小臣慙素食
何以贊成康

送睢陽太守陳錫卿擢兵憲入蜀

上國名爭識中州遇亦奇吏才分竹重友道握蘭私
旋珥遊梁筆親函喻蜀詞居人歌五袴候騎擁雙麾
萬里青驄躍孤軍白羽持棧懸天只尺江湧雪離披
壯節蠶叢試先聲劒閣馳且攜關塞手斟酌歲寒期

詠百泉

渾渾靈源闢功非禹鑿艱乾坤一勺水今古百門山
入谷驚風雨凌虛儼珮環銜雲分細細漱石瀉潺潺
玉減鮫人淚星縈織女鬟亂紋吹翠壁空影射玄關
纓笑滄浪濯珠爭合浦還吟龍湍未穩躍鮒藻俱閒
劍卓雙虹外琴橫萬籟間臨流蘇病骨撫景滌愁顏
河漢津難問濠梁跡可攀冷然幽意愜長嘯出塵寰

題周象賢大霞山房

不道南荒絕脩然靈竅開九霞流地清諸佛駕天來
玉結瑤池佩珠分赤水胎氣蒸川洸漾光擁石崔嵬

何用丹爲竈常分紫入杯銅標遺福土金馬借仙才
杖底三花吐毫端五色廻隨方顏可駐那復夢天台
詠貞石贈吳伯材郎中

何物胎靈隨名山挺玉姿支機河漢穩底柱海門持
宿雪闔三島含煙削九疑雲根同吐納地軸聳孤危
雷雨鱗能奮風霜骨自奇惟應五色就猶有補天期
劉子真奉常貤封二親便道省觀

暫下芙蓉闕言過爾雅臺宮衣天上錦郢調雪中裁
巨室新掄梓名家舊植槐祖筵分驛侶仙仗待龍媒
秩擬三珪重恩兼列鼎回壯心懸矢慰歡色倚門開

賜爵固雙誥傳經寵異才衡雲支几杖漢水掬樽壘
酈菊英堪餌秦桃手自培羣芳持獻壽何用走蓬萊
詠竹巖贈大廷尉王子孝

有美東南節相纓起粵邸含風吹絕磴哀露灑寒湫
選地曾千畝憑虛儼十洲籬踈雲母障几靜夜光流
牖納印王獻林虛洛士游煙霜卷石共律呂上方收
案帙青猶汗山樽綠自浮請看舜林筏何異傅巖舟
梁思伯舍人使楚 冊封岷王贈送十韻

近侍俱仙侶君才自相門儀刑三象列式穀一經存
視草回天幃分桐下 帝關波浮太史楫醴潔楚王

樽使事玄圭重官儀絳節尊風兼萍實采文藉菊英
論峽雨千蛟噴江濤萬馬奔蘭蕙紛可佩雲夢好誰
在夢逐青楓遠歌從白雪翻經過武昌柳爲我一停
軒

遊鳳棲洞十八韻

莫問秦源僻誰探禹蹟幽山靈開鳳穴磴瀨瀉龍湫
宛轉青蘿徑空濛白玉樓區中疑乍闢物外此奇搜
牖結千巖霧松吹萬壑秋攬衣晴雪擁捫壁畫星流
應鼓蟾蜍鬪迎燈罔象愁九莖披赤館一粟啓丹丘
忽覩朱旗閃旋驚翠幃收珠宮時隱見乳窟半沈浮

月抱禪林榻沙維陸海舟神鞭驅未息狄掌覆能留
石匣羣仙秘雲根五色抽坐當鯨甲奮行迫蜃臺遊
已足超河漢猶妨犯斗牛經過成變幻樽酒恣綢繆
便欲逃清世無勞羨隱侯凌崖發長嘯天外散鳴瓊
休沐苦熱雷雨驟至偶成

緩帶雲如火局扉日故紅匡牀聊假寐團扇苦無功
病益炎蒸助愁兼瘴癘攻相將賦大暑忽爾動雄風
爽氣高齋滿層陰廣漠同虞泉歸赤鳥間闔隱緋虹
雨色乾坤暗霆威海嶽空六螭浮蜃閣萬馬蹴龍宮
潮撼孤城震天鳴百粵通胡然翻屋雷急爲洗山戎

未暝號魑魅先秋謝祝融絺衣涼漸怯斗劍倚堪雄
却信湘州燕難傳楚塞鴻陰晴變呼吸何自測神功

雷陽訪莫子翼郎中

時居喪

何意南遷客逢君瘴海涯入門醒夢寐回首悵煙沙
署草名方重庭槐望獨賒銜哀一去國辟寇屢移家
只苦斑衣絕無妨布被斜孝廉通國慕離索故人嗟
北塞傳烽燧南荒厭鼓笳感時心竝切揮淚憶京華

悼焚書有序

予宦遊二十年購書近萬卷爲樓貯之甚珍
每歸輒謝客坐臥其上晏然忘貧卽里中少

年亦鮮知予貧也頃聞暴客登樓遍探篋笥
無以當其意乃縱火焚書以去予竊悼焉爲

賦四十韻且以自廣云

萬卷從吾好千金不易裝少年窺橐籥垂老厭圭璋
散帙高連屋懸籤疊滿牀牛毛原汗漫雞跖亦輝煌
天啓河圖秘霞生石墨香寄身編竹穩遊思結繩長
几上赤虹現楹端彩鳳翔秦碑留故蹟汲塚弔餘芳
露綴三經席星標六藝場百家馮羽翼諸體叶笙簧
野叟食芝訣園公種樹方靈蛇蟠入次繡虎伏成行
緝理茅茨閣週遭薜荔牆幔雲飄旖旎簾影動瀟湘

戶牖都鉛槧山川此棟梁敢同莘野樂差異竹林狂
歲月資弦誦精英屬表章正須防散逸誰更卜災祥
宦拙家逾遠時艱力未匡夢魂驚燕雀消息閤豺狼
舊業干羣象斯文厄九陽鬼神憎篋笥兵燹縱縹緲
豈復秦時暴無容魯壁藏何曾分玉石渾欲戰玄黃
井吐商辰色煙昏太乙光總爲蝌蚪祟遂作蝨魚殃
噀雨遙難制迴風近莫禳爍氛騰赤館烈焰倒青囊
未乏焦頭客其如白額郎妻孥存鼠窟城郭任鴟張
誤改于公戶慙非魏士鄉絲桐歸火帝符籙獻空王
重比周彝徙珍逾孔履亡劫灰期未辨禪竈語能詳

錦目殘烽擲珠函敝帚當輪今悟糟粕角且叩宮商
却遂吾兒嬾虛增過客傷爲儒甘刺豕託隱慕屠羊
市肆歸堪借言筌靜欲忘有形俱幻化何用熱中腸

鹿鹿洞集卷之十八終

甌甌洞藁卷之十九

武昌吳國倫著

始安張鳴鳳校
新安方尚贊

五言排律三十八首

爲羅丈人詠畫竹

白練生煙霧華堂集鳳鸞露梢翻欲滴風籜解仍寒
未刻羌人笛先懸渭叟竿雲根標突兀石脉墜檀藥
大夏圖堪獻清湘枕獨安起持龍作杖投向葛陂看
吉州別羅國華方伯二十二韻有引

國華以方伯赴山西予以提學赴貴陽約自
南海發舟度嶺至吉州分路同行凡廿餘日

遇景登臨呼醪竝賞殊極懽洽悵焉難別詩
以寄悰

捧檄之官遠方舟上瀨同雲移三島絕潮送五羊東
浦訝投香晚山知貢羽通踏鼇看貝闕披蜃過珠宮
錦纜牽危峽金樽溢遠空醉能鞭海石狂欲御天風
岸盡江仍曲關分嶺獨雄唐祠棲舞鶴漢壘入鳴驄
咫尺鄉音辨流連勝槩窮南州開二水北斗射孤蓬
漸與波濤狎都無禮法攻彈碁江漠漠醒酒日曛曛
古郭青螺擁晴沙白鷺狎青螺古州山名白鷺洲名念當分兩鵠
猶復戒雙熊鸚鵡杯重泛驪駒曲未終七盤春瘴外

三晉成煙中鬼國今重譯扶桑木掛弓等邊須李牧
化俗媿文翁旅鬚參差白汀花爛熳紅星辰俱劒舄
聚散一萍蓬旗捲千峯雨帆懸百尺虹總難期後會
消息到秋鴻

王太夫人八十五歲受封

大司寇石首王公母也

南郡多名閥明公更象賢慈儀孫叔著孝行老萊傳
已可風江漢無須慕簡編庭闈趨燕喜地胄引蟬聯
襁屬嵩神降弧迎箕尾懸笥經玄業在機杼素風延
上瑞名非偶中興運已旋經綸家訓悉敷歷主恩
偏動肅華夷望威兼將相權旃裘款塞日劒履入

朝年賜壁羣星錯褒書五色宣導輿觀部樂擁笏侍
栢棧客獻嚴姬頌堂開壽母筵不緣躋八座何以報
三遷錦拭宮雲細羹調掌露鮮懽承將鳳後禮協助
蠶先珠履紛相祝瑤池未足僊請看護草色萸萸共
嬾娟

哭亡姪文良十四韻

萬里懷歸思春來漫不支亂愁虛自結妖夢屢堪疑
問易原癡叔鍾情更異兒病懸中夜起書駭隔年移
孝行無人間家聲憶汝持胡然捐父早況復抱孫遲
慘淡琴書室蕭條蘭玉姿豈緣家祚薄遂爲鬼隣窺

舉自呼麟美哀同舐犢私倘知遊地下那忍別江垂
欲擬招魂賦翻傷絕命辭篋衣空五彩囊藥誤三芝
謝墅有殘局阮林無再期望鄉時一哭雲物盡含悲
得徐明叔方伯書兼示楚遊諸稿喜而有寄二

卜韻

信使來何遠懷人別已長關山懸皓首夢寐在滄浪
名豈三遷重途從九折康十年頻仕楚千古一浮湘
問俗雄風國徵歌白雪鄉胸中貯雪夢筆底奏宮商
進艇天移棹登樓月滿牀珮疑交甫拾樂儼洞庭張
帝女哀應盡靈均怨忽忘衡巫排几席江漢落縹緲

諸體音官協殘編野史藏士傳瞻竹詠家誦伐檀章
記好名荆楚書知發西陽寄愁心脉脉流韻耳洋洋
只媿非同調猶能識大方絕塵無駿價照夜有珠光
遙想雙熊遍應如五鳳翔雨雲紛自散蘭杜遠生香
宦邸開文苑吾廬傍武昌幾時黃鵠渚同醉紫霞觴
送陳以清進士尹海寧十六韻

以清字文鵠仲子也見第八人

君家八才子汝更早知名一顧天機迴孤鶩海潮輕
青雲無後輩白雪有先聲奏對三千牘輝光十五城
真能開氣象不獨紹簪纓玉筍趨朝識銅符領邑

行匝韜龍作劒車揭鷺爲旌澤國稱佳麗明時息戰
爭片雲將舄到萬戶待琴鳴爲覽東南勝應增感慨
情暑鄰鮫室穩閣望蜃樓平木客巢秦峯嵯郎狎海
瀛廢書閒夜織露冕閑春耕寒月隨潮上疎鐘入雨
清放歌回禹穴飛夢遶神京臺省尋常事毋忘倒屣
迎

侯國儲叅將自京營出鎮清浪諸邊賦贈

犀甲鐵襖襠蛇矛丈八長 詔騎沙苑馬入將羽林
郎許國雙金重誇胡兩臂強登壇開玉帳扈蹕挺牙
璋萬里辭神武千旗薄鬼方橫行夷部落鎮靜楚封

疆馬援勲重勒武侯威更揚

聖朝荒服外猶自有

金湯

余以初春抵大梁未數日卽同徐行父憲使巡
行諸郡邑比還邸中則秋矣爰賦一詩紀事
得二十六韻

何意逢徐孺中原托勝遊光輝延楚壁意氣拭吳鉤
地迴陰陽合時平帶甲收初花迎攬轡殘雪擁披裘
柳障金堤暗雲連石室幽行春馳馬坂弔古及鴻溝
二月黃河渡孤帆青翰舟川原開壯麗來徃信綢繆
封父墟全瘠中郎碣半留論文過菟苑把手問葵丘

六鷁飛仍退

時過宋遇大風

雙熊役未休纔看謝桃李忽漫

發葵榴入眼芳華遍驚心大火流夜分便露寢晨起

迫星郵暑雨疲朱紱塵氛厭白頭偶經陳蔡里更觸

古今愁望嶽三塗近宣風二潁周簿書存感慨禾黍

動歌謳鄭圃人安在洪堤術未酬深杯相慰藉款語

見沈浮倦益梁園病愚分杞國憂每勞虛左席何敢

望前籌明月懸官署斜陽薄戍樓詩成偏擊節酒罷

復鳴騶只縱登臨興寧知歲序邁信陵臺畔草息駕

已新秋

哭馮光祿汝言四十句

北海大馮君詞才故不羣壯年身就日高足氣凌雲
鄭相元多識胥臣更博聞受經從闕里講德類河汾
秘啓軒丘錄奇探禹穴文連城和氏璧盡望郢人斤
色借青藜杖書留白練裙靈魚搜未厭蚪蚪辨方殷
石研縈窻露牙籤燦隙矚編摩成聚錦麗巧失回紋
一代稱流藻諸生詠采芹異時崇大雅同社挹清芬
得句春相賞銜杯夕共醺名看華省著席向瑣闥分
試嶽頻宣力還朝擬策勲俄傳登鬼錄何處叩靈
氛大藥知難就芳蘭亦自焚素交存夢寐赤牘罷慙
勤幾尺營丘土千秋賦客墳瑯琊不可望雪涕遠纈

紛

徐按察子與六十遙寄三十八韻

天目標吳會徐卿自一區美名歸竹箭達節應桑弧
彩筆神人授青藜太乙扶文心流四瀆賦體挾三都
博涉專車骨光凌照乘珠逢時倡古調抗志決雄圖
華省分曹地長安竝馬衢赤虹渾欲化黃鳥自相呼
語出千人廢聲蜚七子殊總堪追作者寧獨著潛夫
碣石詞爲社高陽酒是徒衆人皆側目吾輩僅完軀
削迹辭讎闕浮槎托五湖義非秦士賤容與楚臣枯
罪本生懷璧疑偏起竊鉄稍分銅虎節又解玉麟符

事去空焚草愁來但據梧甘從魑魅伏敢厭甲兵驅
日月迴金鏡風霜淨玉壺四方傳恤詔萬里拔泥
塗投淚關河阻裁書節序徂命儔南浦鴈謁帝上
方臆握手臨江漢移樽傍荻蘆舟能同李郭綬擬結
蕭朱已漸離窮轍猶然感畏途百年推轂異一日
賜環俱不邁脩文運誰憐負俗儒承恩瞻北極努
力戒東隅海國熊輿壯梁園鶴轡迂逢迎曾竹馬夢
寐只尊鱸暮雨歌前送浮雲望裏通豈傳鴻枕秘仍
抱鹿門雛閱世遙相藉知音老未孤冠裳森棘柏几
杖待粉榆故里千頭橘仙人九節蒲丹霞紛可餌玄

圃更爲娛大雅名今古長生術有無聊馮蒿少色爲
汝泛瓊蘇

閏八月十五夜同楊使君張別駕湖上泛舟

山際水新落波間石漸浮月明偏此夕天與閏中秋
露浥桐陰靜河涵桂影流迥迥經萬木截浦犯羣鷗
漁火移初岸歸帆度遠洲盤供鱸膾薄席引象樽幽
二客忘軒蓋孤槎上斗牛酣來但高枕非爲白雲留
九日同兩兄及子姪輩夜宴草堂喜而有作得

十二韻

骨肉欣相保佳辰況故鄉斂容分四坐稱壽取重陽

黍稷充邊實松苓結佩囊菊披籬下雨梧老徑中霜
地接龍山勝家臨雉水長二難吾獨忝諸仲爾誰強
洗殘情猶劇升歌夜未央勸酬安禮數和樂應詩章
却悟抽簪晚寧嘲落帽狂風清桃竹塢星聚木蘭堂
不減登高興無辭徹曙光百年如此夕萬事總堪忘
許太史維禎述其母孺人微時事示予蓋有深
悲焉因賦二十四韻悼之

太史中朝彥偏銜北嚮慈含毫心寸裂陟屺淚紛垂
易改人間歲難名母氏慈身承七世統慶與百年期
分自安裘褐情寧盡炭屨錦捐蘇蕙巧金謝樂羊疑

雞肋嬰多難牛衣表令儀不辭寒擁絮況乃突無炊
天意回中葉家聲屬木支却從偕隱日先識亢宗兒
豈獨驕瑜珥相將託鼎鑊剪髮供具夕噬指應呼時
璞剖連城璧囊伸脫穎雖賢名三徙就相業一經遺
綴學儒林長傳書帝者師鼎半嗟不逮宮錦悵誰
貽罷誦閒居賦愁歌燕喜詩詔從溫室下恩向夜
臺馳明月驚環佩空山憶履綦何言懷德晚只惜寫
哀遲美竝嚴姬頌上同幼婦碑露葵芬可薦風木遠
逾悲展卷欽高節瞻雲啓孝思磷磷歛溪水今昔逝
如斯

至前二日同二客兩兒登城望雪醉成一詩

積雪千山滿繩冰萬室懸煙霏澄廣野睥睨入遙天
景與珠宮敵人疑玉樹聯郢歌愁寂寞洛舞憶嬈娟
潦倒酣仍飲扶攜去復旋被裘寒氣薄倚檻物華偏
但恐餅將罄何妨履欲穿居然超色界不獨兆豐年

送張端孟茂才還粵西應試

不忝通家子飄然有父風年從官署長文藉遠遊工

鄂渚蘭新茁豐城劍故雄

張氏其先豐城人

多能平子後博

物茂先同鼓棹循江路囊書走澤宮三珠明大海六
翮奮秋空嶺日扶桑近鄉書八桂通染毫飛作綵吐

氣鬱爲虹策足寧轅下掄才自穀中價增和氏璧
振嶧陽桐謁帝馳燕駿思親託寒鴻戒途千萬里
飲餞莫匆匆

雪後羽王招飲署中卽事得十二韻時臘月廿

五日

旅署茅茨薄那堪禦朔風卑棲遷客耐雅道故人同
日晏雲猶凍庭荒雪未融共忻椒酒綠旋擁竹鑪紅
坐與羣書近屏環四壁空寒疑燕律解賦擬兔園工
興發樽愁竭談深漏欲終半生齊上瑟萬事楚人弓
總不投時好誰能泣路窮長鳴思老驥高舉羨冥鴻

托跡浮湘水承恩遠漢宮相看千古色慄澹一宵中
與求叔談詩後貽此勉之

索處予誠癖懷才汝正新遠操靈夢楫來問石龍津
不是耽風雅胡爲叩隱淪奚囊占素業野服抗清塵
契以忘年結詩堪辟地陳一樽聊把袂片語欲書紳
濟海寧無筏名家必有鄰三閭辭賦祖二仲竹林親
敢謂能推轂良當悟斲輪似龍非所好凡鳥莫須瞋
醉訝星河近歡忘斗室貧同宗哭季子異代漢陰人
浦橘誰將頌皋蘭故可紉試看荆楚記千古說陽春
送楊教授棄官歸滇南

世事誰能測，儒官爾最賢。
老能安白眼，貧不厭青氈。
豈謂推移日，翻成歸去篇。
王門祕嬾曳賓席，醴堪捐。
客夢湘流遶鄉心，洱海懸交從。
傾蓋定名以掛冠，傳
萬里還張翰。諸生慕鄭玄，卜居金碧勝懷古。只高眠。

周大夫八十

楚甸新秋至，君家淑景偏。
涼飈清小徑，晴旭麗長筵。
綠髮壺公喬，丹經柱史傳。
政成三仕後，名著一麾前。
蜀道何曾險，柴桑蚤自全。
角巾存古意，紛帙載新篇。
結社開蘭畹，娛賓藉秫田。
鄙人慙共里，高義感忘年。
解組如相待，比鄰竊有緣。
朝從鳩杖出，暮引鹿車旋。

其訝蟠谿叟還同少室仙羽儀優國禮風節領時賢
浦桂迎霜茂園椿足雨妍日須拚酩酊常傍彩雲眠

登九龍山

窮鄉百餘里突出九龍山宛轉蟠天路飛騰下楚關
數峯雲葉亂千樹石稜斑日射黃金甲泉分碧玉環
冥濛支象外培塿見人間遂覺憑虛易何辭策杖艱
抗身遊縹緲回首戀潺湲道過巖耕子行歌意獨閒

秋日泛門坊湖

積水千流合環山萬頃光容橫長樂堰天擘石門坊
磧樹猶含雨汀荷漸受霜數峯迎卷幔雙峽應鳴榔

沙淺青螺上煙深赤鯉翔鳬鷗紛自侶葭華不成行
野漲侵橋春林花落鏡妝居然凌浩渺莫惜倒壺觴
聞王問伯發解南都志喜

江左名公喬詞林作者徒一經延世澤累葉映天衢
海嶽藏英物風雲激壯圖居然龍有種何忝鳳將雛
玄圃標琪樹清冰朗玉壺過庭聞素業許國定訃謨
選自青錢異歌綠白雪孤遺珠驚象罔躍劍偶風胡
旅進偕多士先登品大儒豪華空六代鼎甲重三吳
高義通家子明時偉丈夫喜來渾不寐將酒自歌呼
郭美秩茂才予同年趙州兄子也過訪北園酒

間賦贈因懷趙州兄

嚴冬猶未雪，僻谷總如春。忽爾來佳客，因之訊故人。
通家予漸老，握手意殊親。掃石聊班坐，烹葵豈厭貧。
池萍開進艇，洞草密成茵。山暝煙初合，亭空月故新。
樽前落河漢，竹裏破風塵。不盡停雲思，銜悲且共論。

遇真山房與張太史道故因贈

不淺通家義，曾窺命世才。少年探禹穴，高步策燕臺。
賦奏凌雲入，恩承賜第回。宮衣馳騷裏，彩筆侍蓬萊。
鼎甲羣龍護，天書五鳳裁。大名成遇合，古道獨遲迴。
何意浮湘至，逢予禮嶽來。論心殊不偶，感舊忽生哀。

哀世德流中夏文光切上台廿年嗟契闊一日幸追陪且解青霞佩同傾白玉杯石門煙霧色倏爾爲君開

莊克成山人七十

古之愚也直今也直躬誰獨有蒙莊子能如榮啓期家風曾萬石月旦儘羣疑高枕雲林麓垂綸漢水湄到門多長者華國定佳兒老去登臨健酣來謔笑奇玉光紫鶴髮丹氣鬱龐眉尚擬蟠谿叟還從後載馳
席上贈汝藩環衛

卽惟寅子

銘鼎綠開國敦詩屬大家入提諸校士親扈六龍車

鐵騎駢馳道金鏐震狹斜清揚三輔誦節俠五侯誇
結社依青桂藏弓待白麻幕中開水石筆底弄雲霞
父執慚予老孫謀見汝嘉長干一攜手把酒酌名花

姚京兆輓詩

京兆吾先友登堂意忽迷悲風號古木暗雨咽前谿
朝野思耆彥山川護舊題庭榮三樹玉笥襲五方珪
世路安遺屣村橋憶杖藜操舟虛訪戴命駕已無稽
却是升難就寧忘酒共攜一丘茗水上宿草故萋萋
再遊虎丘同周公瑕王承父曹子念方仲美張

左虞羅伯符賦得山字凡八韻

海氣蟠空出峯陰繞郭還古雲霾劒峽新雨霽禪關
殿閣虛無裏江湖組練間林森雞足樹塔穩鷺頭山
似有曇花墜俄令法石斑重來諸景幻晏坐六身閒
問偈都無語當杯且笑顏僧房一借榻支枕聽潺湲
同年錢惟重招遊寒山寺同顧栗如張幼于賦

得邀字

遲日進蘭橈通川十二橋凱風初夏景清酒故人邀
野霧都縈樹溪雲欲上潮古墟藏佛刹修竹蔭僧寮
半偈身如寓三天境未遙老龍潛勺水孤鴈泣前朝
寺在宋朝積蘚侵堦長空花拂案飄逃禪欣有託千
有塔今廢

唐詩卷之三
切醉中銷

周公瑕七十

爲問天池舜何如地肺芝養生非大藥
逃世卽仙姿彩筆雲霞吐青藜海嶽支
七旬書更著三老詔寧遲客獻岡陵頌
杯分瓊玉脂逍遙成獨往不必遇安期

周伯從邀過秦氏園同諸詞客席上賦

築圃惠山麓坡陀間野田牖標雙鴈塔
池滙九龍泉灌木圍蒼靄濃花破綠煙
閣虛泊水鏡堦滑上榆錢小徑冠從側
重林履欲穿亭陰松蓋偃峯杪桂輪懸
宛坐清涼界還疑小有天周郎殊愛客
歸舫恣流連

泊真州方憲成丁南羽吳康虞攜具見訪同仲

美伯符舟中談詩酬贈一首

五子俱新安詞客

水國天初霽河橋樹轉陰旅櫓依信宿詞客枉招尋
豈厭江南曲來聽澤畔吟海雲驚識面山月坐通心
寸舌支談苑孤蹤老秔林愧無奇可問只有病相侵
白嶽鍾才異青袍閱世深一樽殊造次含意屬知音
郭大司馬君賓出郭見訪邀宴佑聖觀席間賦

贈

居守銜三命行營擁八騶千旗鍾阜出百將羽林蒐
列隊臨河曲前驅下石頭傳呼大司馬來叩野人舟

雨隔烏衣巷沙侵白鷺洲江花繁勝錦海氣鬱爲樓
偃蹇收殘帙倉皇攬敝裘風塵驚一顧天地失羣愁
白髮經長別青雲感舊遊素交看欲盡高義若爲酬
握手新林僻張筵古觀幽回瞻龍虎勝洵美 帝王
州羽客鳴朱管庖丁繫綠韉雕盤何錯落玉罍任沈
浮地敞宜銷夏涼生更是秋總因陳契闊不覺坐淹
留改席恣餘興停樽問遠猷十年平嶺海萬里壯歌
謳已勒旂常績仍懷 社稷憂舊京鄴鎬重名世呂
伊倚帷幄今虛席寰區擬借籌元勲終相國不獨漢
鄭侯

方子及李于田招遊天界寺同楨伯諸君分得

青字

福地蟠空界香臺切 帝庭寶光三殿紫雲影百林
青象伏空王座龍歸大士銚旂幢標四極鐘鼓肅羣
靈礪瀑虹橋落江雲鹿苑停到來諸境寂坐使六塵
醒梵閣支層漢僧寮布列星焚蘭先借榻啜茗坐聽
經雷雨過蒼麓松杉鬱錦屏且從霞外侶更醉竹間
亭

哭余德甫二十韻

德甫以人日作

德甫南州士論交古弟兄同心歸大雅獨立竟平生

力謝平津客深藏藝苑名一官從意氣諸體稱才情
使越開三網觀閨飭五兵那知韜甲後翻作挂冠行
遂抱青霞癖逾揚白雪聲劒懸牛斗壯衣集芟荷輕
原憲貧無恙陶潛去亦榮相將羣鹿豕豈獨避弓旌
幽谷神偏王餘年技益精洪崖新種樹南浦舊班荆
正苦津途隔常令寤寐驚偶聞人日計怪隕客星明
把臂誰堪托還丹恐未成布衾聊自蔽華簪向來更
誤入遊仙夢虛堅訪戴盟德甫屢許過訪故云楚雲飄黯澹江
鴈咽淒清孺子芻將束山陽笛故鳴含悲采蘭芷持
作夜臺羹

吳門懷舊有序

憶在嘉靖癸丑予過吳門嘗得與文氏父子
暨陸子傳許元復彭孔加諸君遊今來已踰
三十年諸君凋謝殆盡而所與遊皆新知也
愴焉懷舊情見乎辭

楚客嗟垂老吳門憶舊遊接塵俱勝跡入社總名流
雅是襟期合無論筆札優定交誰少長閱世竟沈浮
酒至歌相答情親去復留言追十日飲又過百花洲
一別煙霜改重來景物愁電馳三十載星聚幾千秋
縱好尋初地惟應弔古丘九原不復作長夜何時休

畏聽山陽笛寧廻剡水舟新知殊未少傷往淚難收
時雨篇爲張使君叔見賦有序

往歲六月大旱張使君齋沐徒跣登禮百神
勞苦祈求凡二十日始得雨農家猶半穫也
今年四月又旱農且不耕使君憂之益暴其
身奔走赤日中勞倍往昔凡三日雨響應耕
矣六月又大旱使君曰耕不有秋猶不耕也
安用司牧爲於是陳辭籲天下令罪已帥父
老暑行露食勞又數倍於四月殆有編民所
不能堪而士女所不忍見者其情之激則不

宙側身思過居環艾坐積薪也凡六日一雨
十日再雨十二日大雨如注原隰霑足予適
病肺偃臥聞雨聲輒起而農人舉手相賀曰
茲使君膏澤我而粒我也吾屬老且死未見
憂民之憂而卒遺之以樂如使君者子能無

頌聲乎作時雨篇

地道寧相厄天心乍可疑三農占歲日百穀仰膏時
大火流金石甘霖阻夢思星符虛應召月額屢愆期
遂恐江湖涸深增雲漢悲羣生懸燕麥國計委鳧
茲豈有乾封意空聞縮水奇傷心待枯槁束手視流

離辛爾逢州牧居然遘雨師政平山谷頌操潔鬼神
知閔旱心先激穰年力鮮遺側身暴原野被髮叩壇
墳實下憂民淚專陳罪已辭山川回積亢父老歎
慈少女風初動豐隆電忽馳立驅妖貉盡行見土龍
移共迓玄冥馭潛銷赤地危暫來猶霖霖密布已淋
漓霧壑連輪至風簷瀑布垂野田都滑滑嘉種漸
索瑞擬銅盤露珍同玉鼎脂靈通類桴鼓誠信卽著
龜萬室塵氛淨千口爽氣滋病夫捐藥餌狂客洗樽
羹穩藉雞豚足旋供布粟資齊聲歌大有功德自伊
誰

喜莊則勸應貢因贈

何物俱先達而君獨晚成但醒窮路泣無損少年名
業擅三湘秀恩階一命榮遺珠偏照乘抱壁竟連
城白首看人盡青袍謁帝行玉墀應奏對彩筆尚
縱橫九阪神駒步三年大鳥鳴到來欣遇合殊不負
平生

邵子任明府自桂林遣使再問山中寄謝

南郡論文日知君挾壯圖登臺高市駿得縣遠飛鳧
瑞集明堂玉光騰赤水珠美名行自見吾道未應孤
豈意三冬盡重來一騎驅書絨開鄂渚雲氣入蒼梧

省舊殊高義投閒自病夫殷勤那可報西望獨踟躇

鹿苑洞藁卷之十九終